

四川府縣志輯

中國地方志集成

同治直隸綿州志

中國地方志集成

四川府縣志輯 ①⑥

同治直隸綿州志

巴蜀書社 ● 江蘇古籍出版社 ● 上海書店

中國地方志集成

四川府縣志輯①⑥

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 王維新
封面設計 范一辛
(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

重修歸州直隸州志序

世謂志乘之書與國史同非也史簡而文博而約志則
洪纖悉備凡夫城邑河渠政刑賦稅以及文物技藝下
至四大匹婦苟於忠孝節義有一事之可傳者無不輯
而存之此體例也歸州直隸州控山川形勢之勝爲省
門藩蔽歷代重之其志書創於乾隆元年屠君畏庵至
嘉慶十七年族伯祖篠園公奉文續纂時三省教匪滋
事後武功頗著搜羅軼事共分五十四門燦若列眉
者咸稱大備逮道光十餘年間先大夫兩權州篆以教
養爲務政成化洽民思之不能忘祀主於祠監碑於道
迄今過城西及州北門慨然猶想見先人之遺澤焉嘗
謂梁任京秩時親襄史局遼金元三史成敘官入蜀攝
將州志復從而蒐輯之視事未久奉檄去有志終未逮
也咸豐十一年梁適陞守是州下車伊始與都人士相
接綢繆道故感慨係之城外廬舍田園悉成灰燼瘡痍
滿目風景凄然大非昔年隨任時殷繁氣象又惻然心
憫者久之因辦理善後事宜於利弊之所當興廢者咸
整理之而死綏之士與夫從容就義之徒正欲採訪姓

歸州志

卷一

序

一

名以垂不朽而適奉 大憲纂修州志之命蓋自我條

國公至今又閱五十餘年矣其間城邑溝渠之變遷人
物市鎮之陵替征徭團練之並作津貼捐輸之繼行皆
舊志所未列也矧滇逆藍大順以數十萬之眾圍歸州
城登陴一望附郭百餘里烽火彤天而民之喪亡枕藉
効死不去者蓋亦知縣爲涪地自古巴蜀用兵之際未
有不力爭此郡以窺伺錦城者也藍逆欲攻省而深慮
縣人之躡其後擬先取之以爲基殊不知沐浴

聖化父詔兄勉各以忠義相助膏血塗原野骸骨填溝壑外

歸州志

卷一

序

二

援至而內應出夾攻殲賊其保守我州城者卽其捍衛
我省城者也若不急取而表彰之俾死事者或致姓名
有湮沒之虞不特州民之憾抑亦守土者之羞歟梁不
敏未獲如先大夫躬際

昇平得以孝弟力田與閭閻敦古處而適值兵燹之餘與先

伯祖之續修州志於教匪既平之後情相似迹相類也

一州世守閱再傳而撫我斯民當修輯是編梁敢不其

詳其慎以備輶軒之採擇乎爰爲之序

同治十有二年癸酉秋八月道員用候補知府知歸州

直隸州事長白文榮小農氏撰

蘇州志

卷一

序

二

舊志序

癸酉歲仲秋余奉

命來守是邦下車伊始紳士等呈州志彙請鑒政初

大府具

奏請續修四川全省通志似行各郡縣稽舊乘訪潛德編

輯成書齋省局備纂時則刺史李葆固公承檄經始延

食古通經者採輯自壬申三月至九月創彙甫半即遷

秩雲安權刺史俞春岑公繼其事注意趣之又閱半載

屆限已迫催急費靡草草成書三分送省局彙修一分

蘇州志

卷一

序

一

存州公餘披覽其中分門別類沿革建置援據舊聞博

採時事體律不無參差慮難以信今而傳後乘隙即爲

點定宵分不遑閒與一二秉筆諸君參互考証迺草上

下數千百年土地人民政事之掌故兼綜而條分縷晰

惟在簡而該括而不遺詎敢擬於陳壽李膺常璩張唐

英諸前輩之創作迭起後升菴玉壘方洲三太史之續

修稱善而汰華存實要無失善善從長之意獨念以前

人創始之難事經數十年而一過時會遷延遲逾歲月

工費既乏仰屋徒嗟志已修而不刻不與不修同歟故

夫事以有待而行則程功不速功必專歸於已則集事恆難以地方緊重盛事官不能獨舉與士民共籌而未集則官不得不力任之惟余莅縣五閱月耳徒以士民望志之切亟酌捐廉俸爲好義倡適有力者共伙厥成不數月而釐定付剗哀然成帙不將與天府大郡同炳圖書以上昭

聖天子

一統同文之治耶余雖不敢自以爲功而自維區區任

事之心皇然如不及待故偶獲有濟耳且是書創於篠園李公繼以春岑俞公值余編次剗刷而落成時則受

蘇州志

卷一

序

二

余代之黃璞齋刺史也謂是李與俞之成是書也可謂是余四人之成是書也可謂是與閔州人士共襄其成也亦可北上戒行聊弁數語於簡端并以質同官莅事諸君子焉

嘉慶十有九年甲戌仲春月奉政大夫蘇州直隸州知州馮翊范紹泗金泉氏撰

舊志序

在文

幼從先大夫官白下嘗取大江南北風土人物志編讀之而知範風俗以存典型外史之職與柱下相表裏而兼擅才學識之長者實未易數觀其人長與程漁門魯二菴諸君子以十五國之風詩相切劘唱酬間作取適性情冀或備他時輶軒之採不意阿好者竟爲收

入

熙朝雅頌集中雖詩以言志不過志一時之感觸記胸臆所

欲言於經世服物毫無闕會自媿壯夫不爲也嗣策仕

蘇州志

卷一

序

一

入川剗劇邑忝戎行匆匆幾二十年填委簿書卒未能搦管濡毫一抒其觀風問俗之素志恆歉歉焉庚午夏來刺蘇州諒諷利弊矯枉扶偏不期年人事安息年物豐和竊喜有著書歲月而時適奉文有纂修州志之舉志創於乾隆元年前州牧屠畏菴用謙至今七十餘年矣移州復州事關典制中間教匪蹂躪修復城隍及祠廟官解諸工役具見州民急公之忱益徵

聖澤涵濡之厚且當匪徒狼奔豕突之時民間忠烈士女捐軀授命視死如歸恐其惡久就湮姓氏與草木同腐更

不可不愈加採錄爲末俗風一時四鄉紳民聞風興起

稟請捐伙工費謹依提調省志局憲刊發條式編成志

稿五十五門門列一卷較屠志篇幅加倍蓋依例重修

非續纂比也時桐城潘甫之監州主講左縣州紳孫甫

堂觀察家居多暇竝延主局暨分纂孝廉明經五人考

取膳錄生員文章十名採訪生員四鄉共十六人徵文

考獻共襄盛舉凡九閱月而稿成竊惟士生於縣以著

述科名顯者如李謨太白鄧文元于環劉暎蘇易簡以

下無慮數十人流寓如楊雄杜甫王勃魏了翁等所撰

縣州志

卷一

序

二

著不下千百萬言州守如樊紹述鮮于侁唐庚李繫輩

文章政事照耀簡編更難更僕數蓋文章必得於山水

之助而左縣接問道之雄奇泛緋江之華艷其相長爲

較深也

在文備官

右文盛世重以省憲勤諮又得諸君及山水之助於紹述諸

賢卽有未逮而蒐羅逸佚考證見聞去取從違慎益加

慎或亦畏菴氏所樂引爲同調者脫稿甫半

在文適奉

守夔之

命未能聿觀厥成是所望於後來君子宏茲遠謨更加裁訂

與二三同志共成其美也

嘉慶十七年壬申八月中秋日陞任夔州府知府縣州

直隸州知州長白李在文序

縣州志

卷一

序

三

舊志序

壬申九月予代篠園來守巴西自士習民風農田水利以及簿書錢穀期會靡不咨詢因革以要其事之終始而定從違既又以其未畢之志稿日夜搜討參互考訂五閱月削稿甫就弁言於首竊維古人著述待於若刪若補若訂相得而益彰者如元李好文以至正四年再任陝西行臺治書侍御史取呂大防故圖刪除訛駁更為圖二十有二宋朱祁知益州因沈立劍南方物畧補其闕遺共得五十六種各為圖而系以贊併注其形狀

藤州志

卷一

序

一

於後為益部方物畧記一卷明王鏊與杜啟祝允明蔡羽文徵明等取吳寬張習都穆未成之藁因其凡例共相釐定為姑蘇志六十卷非不煩煇炳炳卓然成一家言以輝映於後先然當其過往續來或數十年而遇或百餘年而遇或異代而始一遇嗚呼何其難也今篠園區區一志以夙昔之願應大憲之徵聚一時之文獻閱九月未底於成適當守夔而予代其後上憲又寬假以成書之期巴東西屬耳目焉篠園得親見志草之成也以視古人異代相須者何似篠園不其幸也乎哉予自

維入峽來所至多名勝之區往往作為詩歌以紀其盛

故初守臨邛登相如之臺訪魏鶴山遺跡想見其流風

餘韻再守眉州過蘇氏紗縠行瑞蓮亭慕顏觀老人泉

諸勝地畢然於文章氣節會萃於一門今權歸州乃更

得寓歐公六一堂研丹握管與蘇之先賢尹默李譔李

白劉昫蘇易簡蘇舜欽鄧文原金獻民諸公相向友蓋

不獨篠園之幸而予亦與有幸焉甫下車即賞審視蘇

之利弊損益於其閒暇復與潘市之監州孫自堂觀察

等上下其議論若刪若補若訂雖不敢自附古人亦庶

藤州志

卷一

序

二

幾范石湖胡長文二公相繼帥蜀集為丙丁記之意也此九予之幸也夫

賜進士出身署歸州直隸州知州候補直隸州餘杭俞廷樟

序

舊志序

左縣爲三國要郡有明之季遭寇變而文獻無徵予嘗
道過縣州一覽風土之勝今年秋復自巴溯縣寓處廿
有餘日索覽州志知州事屠益受曰無所謂州志也近
方撫拾殘書購求軼事創爲草具正冀裁訂乞冠以序
而梓之益受辛丑成進士薦出予門同官史署嗣出典
禹州今典縣州表章人物紀載山川猶然舊史之意往
予修河南郡志以謂在一郡則書一郡亦史氏之職益
受意亦云爾考縣舊志縣爲四塞之郡山形如斗襟帶

縣州志

卷一

序

一

三川又涪水與安水交流合抱如巴字每江漲登高望
之點畫惟肖以是風土之勝又經

聖天子倚注維殷雖越在荒服大有柔遠之意噢而字之縣
將大有人焉復出其地履斯任者可任其地殘守缺畧
不一爲表章以昭

盛世同文之治乎予籍本巴人也與縣接壤伊邇亦先世
鄰好之誼予經其地與采風謠纂排遺乘尤有淵源之
思焉至益受近承

優育矢圖報稱修廢舉墜不遺餘力新政率有可紀者茲

尙未暇紀以自侈也

賜進士出身翰林院檢討石屏張漢月樅父題

縣州志

卷一

序

二

舊志序

用謙不文曾叨史署

天子新嗣位擇詞臣尤曉吏事者俾出試州郡謙與選焉先典河南禹州以憂歸復有縣之役

天子謂縣爲蜀中要郡乃降

優旨

特簡知州事倚任甚渥銜

命而前且慚且懼勉從事報稱有日比至縣而州不免凋敝故明以來昔日都邑人民之盛至今未及全復宜

縣志

卷一

序

一

天子西顧柔遠之仁真無遠而不屆也政暇索州志考稽山川人物以便吏治州志竟缺文獻渺然謙乃苦心購索得什一於千伯從斷簡殘編撫拾遺事復纂輯成書區爲六冊凡閱五月而工竟付之梓人實創草具未暇精詳嗣加潤飾則待後博物之君子焉謙惟古者問俗採風天子命輶軒之使巡行邦國陳詩納賈太史氏之職也謙叨舊史雖他郡殊邑猶且采訪民風以志同文之盛况承乏此地在此吾職掌之域可任其荒畧而不問耶州志成謙幸得備一方之文獻亦所以昭舊職也於是

書其事於簡端時

乾隆元年丙辰桂月望五日

賜同進士出身翰林院庶吉士

特簡四川直隸縣州知州加三級紀錄三次孝威屠用謙

菴氏撰於左縣六一堂

縣志

卷一

序

二

凡例

一州志悉本

大清一統志及省志作權輿州舊志創自屠畏菴氏續修則

成自李篠園氏俞春岑氏范金泉氏率皆悉心搜討

招撫較多可憑故志中多所依據

一

國朝頒發

宸翰均宜敬謹錄刊用昭慎重舊志載列藝文似覺編次失

當茲依通志弁於簡端遵爲令典並

縣志

卷一

凡例

一

仁廟耕織圖詩全行增入使知民間衣食饒足務重農桑皆
聖人睿慮周詳不遺纖悉之所致爾

一世運自簡樸而文明文運亦自渾噩而典麗如常道

將華陽志十篇康對山武功志九篇非不擅美一時

然以視

同文之世大憲示定編輯章程其繁簡不能一轍故旁徵道

引較舊志頗繁而擷摭或恐失當不致煩易交譏

一是書徵引以二十二史水經注方輿紀要括地志等

書爲正宗其有蒐採各家紀載論斷必標記人名

書名俾考核者便於檢閱偶有所見另註按語別之

一詳異志式載人瑞百歲以上准其開列今謹按乾隆

六十年以前每恭逢

高宗純皇帝萬壽

恩恤老民七十以上

賜予有加

皇上五旬萬壽

恩恤老民亦自七十以上

賜予有加故謹依節次呈報之例於七十以上老民照案分

縣志

卷一

凡例

二

別詳載其窮鄉僻屋前此未及呈報近由採訪而得
者一併附載以冀推廣

皇仁

一人物式中有處士一目左縣人物無多顯達載在名

宦肥遯列入隱逸品學入儒林之傳著作歸文苑之

科野無遺賢賢不家食求所謂處士其人竟不可得

故從其闕

一列女式載節孝節烈貞女烈女四目今考舊志並據

採訪舉報有賢母壽母節婦孝婦烈婦孝女貞女烈

女八目依式推廣附入

一典籍志式列圖畫二目因其中石刻較多爲類附金石門

一藝文史例止載書目范史采綴詞賦後世乃入詩文雜作茲編遵式序錄並仿范成大吳郡志及近時王方山鄧陽志例分綴記序詞翰於各門各條之注或以紀事或以志地或以存人不必其文之盡可傳也惟藝文一門則必其人其文其事之確然可以信今而傳後者然後敢附於編

縣志

卷一

凡例

三

一縣州爲隴西咽喉水陸要衝屏翰省城形勢綦重舊志所載武功於累代戰勝攻取之迹雖亦畧舉凡要而未能據事直書則勝負之勢未明斯扼塞之形不著微論姜維蔣琬先後屯涪爲力爭形勝也苻堅使楊安叩劍閣而下涪城尉遲迥統偏師越二劍而踰涪水郭崇韜督諸軍渡枯柏而入鹿頭鄧艾破涪則徑趨綿竹張任敗涪則退保雒城涪之險甲三川敵夔劍矣故不惜博徵史傳年紀月編於歷代征戰事蹟頗自信蒐採無遺俾閱者知左縣關係之重其有

散見他書而爲正史所未載者概不敢錄

一名器不可妄干凡有位號卽僭凡有攘奪卽竊段干璋改縣州爲黃龍府張獻忠改縣州爲得勝州此僭竊之顯然者其他重慶稱尊成都自帝亦先據縣州然後爲所得爲奸回既死之魄人人得而誅之况左縣之土地民人實先受其屠毒者哉故於舊志之未載者特爲補出以示斧鉞之誅

縣志

卷一

凡例

四

一縣州所屬惟安縣隣邊其餘皆居腹裏似邊防無關緊重不知松潘威壘壤接石泉石泉被兵安縣卽爲牽動害有不可勝言者茲將生熟番夷前此叛服原委畧舉數條以補舊志之闕而有備無患之意亦於是乎見

一學校祀典典制萬皇方策昭垂何煩縷述然方隅僻陋士習婣鄙知尊聖而不知

聖人之所以尊知嚮學而不識

朝廷之所以教扣槃搗籥寡陋迂拘聾瞶之識知難免矣故不惜繁徵博引期與草澤廣見聞於教學似不無小

補

一此志選舉職官有考文武祭祀社稷風雲雷雨山川各壇廟等儀無不有考雖均係採掇公家之言然他郡志或不之及則卽以備我縣之掌故未爲不可至於獮祭貽譏固所不計

一廢縣故城已見沿革表中而古蹟門內仍爲逐條分疏記有詳畧義難偏廢閱者諒不嫌複沓

一山川寺觀津梁舊志紀載甚畧今據採訪入纂尺度寸量畧嫌瑣細然事皆徵實非同弔詭故亦不妨並存之

縣志

卷一

凡例

五

一繪圖源本河洛乾南坤北上下以之定位今以公署面南而治從道經日北月南之例移之

一戶口田賦城池公署鹽法茶法兵制等門有與通志及舊志不符者俱就現在卷宗詳晰查載未敢泥古抄襲至已見別門及詳見縣志者俱以詳縣志詳某門別之

一附州五縣志似均宜詳加纂輯然究憑縣志作藍本故有縣志詳而州志可從畧者有縣志畧而州志偶加詳者亦有縣志所無而州志不能不闕者集腋良難

非敢歧視

縣志

卷一

凡例

六

重修縣志街名

總理纂修

道員用候補知府縣州直隸州知府 文 榮 內務府正白旗漢軍貢生

即補知府署縣州直隸州知府 董貽清 江蘇陽湖縣舉人

協理分修

縣州直隸州州判 強 湘 陝西韓城縣增貢

德陽縣知縣 鄧仁垣 湖南武岡州增貢

安縣知縣 畢衍煥 湖北蘄水縣附貢

綿竹縣知縣 楊 塏 貴州貴筑縣附貢

縣州志 卷一 街名 一

梓潼縣知縣 范陳鯉 湖北武昌縣拔貢

羅江縣知縣 馬傳業 浙江會稽縣監生

參校

縣州直隸州學正 范德淵 三臺縣舉人

縣州直隸州訓導 徐興甲 遼甯縣歲貢

經理捐刊

直隸縣州營都司 何特聲 福建武平縣進士

監修督局

縣州直隸州吏目 喻 樑 江西南昌縣監生

直隸縣州營千總 張占春 貴州人行伍

參閱

知縣用四州試用鹽大使 文 懋 內務府正白旗漢軍監生

浙江監生 陸 煊

候選教諭 陸 照 增貢生 寧陽縣人

候選訓導 傅斌儒 康生 漢州人

纂修

翰林院編修國史館協修 伍華齡 丁未科進士 邛州人

候選儘先訓導本州歲貢生 何天祥

縣州志 卷一 街名 二

分纂兼校對

刑部主事 曾克相

候選教諭 吳開聰

候選訓導 孫瑞恩

本州增生 崔祥徵

本州生員 郭楠堂

本州生員 崔映棠

篆字

本州生員 王際昌

採訪

本州歲貢生何近道

本州廩生唐杰

本州廩生吳登瀛

本州廩生徐必能

本州增生魯天章

本州生員尹顯庚

本州生員嘉言

本州生員顧金明

縣志 卷一 銜名 三

膳錄

本州廩生何潤森

本州生員黃濟川

本州生員米宗炳

本州生員梅有猷

本州生員韓少浦

本州生員陳文炳

本州生員嘉汝宅

本州文童戴宣春

本州文童唐禮耕

本州文童戴宣澤

縣志 卷一 銜名 四

直隸縣州志目錄

宸章 卷一

星野志 卷二

圖考志 卷三

建置沿革志 卷四

疆域志 卷五

形勢志 卷六

山川志 卷七

戶口志 卷八

縣州志 卷一

目錄

田賦志 卷九

水利志 卷十

城池志 卷十一

關隘志 卷十二

津梁志 卷十三

古蹟志 卷十四

公署志 卷十五

學校志 卷十六

祀典志 卷十七

祠廟志 卷十八

風俗志 卷十九

兵制志 卷二十

屯田志 卷二十一

邊防志 卷二十二

驛傳志 卷二十三

舖遞志 卷二十四

土司志 卷二十五

武功志 卷二十六

縣州志 卷一

目錄

屯練志 卷二十七

寺觀志 卷二十八

鹽法志 卷二十九

茶法志 卷三十

錢法志 卷三十一

木政志 卷三十二

權政志 卷三十三

蠲政志 卷三十四

職官志 卷三十五

選舉志 卷三十六

封蔭志 卷三十七

政績志 卷三十八

人物志 卷三十九

列女志 卷四十

隱逸志 卷四十一

流寓志 卷四十二

仙釋志 卷四十三

方技志 卷四十四

縣志

卷一

目錄

三

古帝王志 卷四十五

故宮志 卷四十六

陵墓志 卷四十七

僧竊志 卷四十八

藝文志 卷四十九

典籍志 卷五十

金石志 卷五十一

物產志 卷五十二

祥異志 卷五十三

雜識志 卷五十四

外紀志 卷五十五

縣志

卷一

目錄

四